

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), a u skladu sa članovima 36. i 46. Zakona o izvršavanju Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), Vlada Zeničko-dobojskog kantona, na prijedlog Ministarstva za obrazovanje, nauku, kulturu i sport, na 153. sjednici, održanoj 03.08.2018. godine, d o n o s i

ZAKLJUČAK

o usvajanju Programa utroška sredstava u razdjelu 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), pozicija „Kapitalni transferi u inostranstvu“

I.

Usvaja se Program utroška sredstava u razdjelu 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, Budžeta Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), pozicija „Kapitalni transferi u inostranstvu“, u ukupnom godišnjem iznosu od 1.300.000,00 KM (slovima: jedanmiliontristotinehiljada konvertibilnih maraka), koji čini sastavni dio ovog zaključka.

II.

Sredstva planirana ovim Programom utroška sredstava, realizovat će se isključivo u skladu sa realizacijom ostvarenih javnih prihoda u Budžetu Kantona u predhodnom mjesecu i planovima novčanih tokova Budžeta Zeničko-dobojskog kantona za pojedini mjesec utvrđenim od strane Ministarstva finansija, osim u izuzetnim slučajevima odobrenim posebnim aktima Vlade Kantona.

III.

Zadužuju se Ministarstvo za obrazovanje, nauku, kulturu i sport i Ministarstvo finansija da realizuju ovaj zaključak u skladu sa zakonom i podzakonskim aktima, svako u okviru svojih nadležnosti.

IV.

Zaključak stupa na snagu danom donošenja.

Broj: 02-_____/18.
Datum 03.08.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x a/a.

PROGRAM

utroška sredstava u razdjelu 22-Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, Budžeta Zeničko-dobojskog kantona za 2018. godinu („Sužbene novine Zeničko-dobojskog kantona“, broj: 1/18), pozicija „Kapitalni transferi u inostranstvu“

Član 1.

Svrha programa je da se sredstva iz Budžeta Zeničko-dobojskog kantona za 2018. godinu sa razdjela 22 - Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, Budžeta Zeničko-dobojskog kantona za 2017. godinu („Sužbene novine Zeničko-dobojskog kantona“, broj: 1/18), pozicija „Kapitalni transferi u inostranstvu“, transferišu Razvojnem programu Ujedinjenih nacija – UNDP i Caritas Švicarske - CaCH u svrhu udruživanja sredstava za realizaciju zajedničkih Projekta na objektima ustanova obrazovanja na području Zeničko-dobojskog kantona u 2018. godini.

Član 2.

Visina sredstava utvrđenih ovim programom iznosi 1.300.000,00 KM (slovima: jedanmiliontristotinehiljada konvertibilnih maraka).

Član 3.

Izvor sredstva: Budžet Zeničko-dobojskog kantona za 2018. godinu („Službene novine Zeničko-dobojskog kantona“, broj: 1/18), razdjel 22 – Ministarstvo za obrazovanje, nauku, kulturu i sport, budžetska organizacija 01, potrošačka jedinica 0001, ekonomski kod 615700, pozicija „Kapitalni transferi u inostranstvu“.

Član 4.

Sredstva utvrđena ovim Programom transferisat će se Razvojnem programu Ujedinjenih nacija – UNDP i Caritas Švicarske - CaCH u svrhu udruživanja sredstava za realizaciju zajedničkih Projekta na objektima ustanova obrazovanja na području Zeničko-dobojskog kantona u 2018. godini, kako slijedi:

R. br.	Projekat	Korisnik sredstava transfera	Planirana sredstva iz Budžeta ZDK za 2018. godinu (KM)
1	Poboljšanje energetske efikasnosti za tri školska objekta: OŠ „Enver Čolaković“ Breza, Područna škola „Bradići“ OŠ „Maglaj“ Maglaj i OŠ „Kovači“ Zavidovići, a po potpisanom Sporazumu o sufinansiranju između Vlade Zeničko-dobojskog i UNDP-a od 11.12.2017. godine (završetak projekta)	Razvojni program Ujedinjenih nacija – UNDP	35.000,00
2	Nastavak realizacije Projekta "Zeleni ekonomski razvoj" u 2018. godini na aktivnostima povećanja energetske efikasnosti na dva objekta, a po potpisanom Sporazumu između UNDP i Ministarstva za obrazovanje, nauku, kulturu i sport, i to: - Mješovita srednja škola Zavidovići, utopljanje školskog objekta: zamjena vanjske stolarije i izrada termofasade, ukupna vrijednost radova 30.000,00 KM, sufinansiranje u odnosu 33,33% UNDP i 66,67% Kanton;	Razvojni program Ujedinjenih nacija – UNDP	66.670,00

	- Mašinski fakultet Zenica, utopljavanje školskog objekta: zamjena vanjske stolarije i sanacija krovne konstrukcije, ukupna vrijednost radova 70.000,00 KM, sufinansiranje u odnosu 33,33% UNDP i 66,67% Kanton.		
3	Nastavak radova na izgradnji novog školskog objekta Osnovne škole „Hasan Kikić“ Tetovo – grad Zenica, po potpisanom Aneksu uz Sporazumu o sufinansiranju između Vlade Zeničko-dobojskog i UNDP-a (II faza)	Razvojni program Ujedinjenih nacija – UNDP	1.000.000,00
4	„Obnovljive energije i energetska efikasnost“, po potpisanom Memorandumu o razumjevanju između Ministarstva za obrazovanje, nauku, kulturu i sport i Caritas Švicarske od 01.03.2017. godine i Aneksa od 12.06.2018. godine	Caritas Švicarske - CaCH	90.000,00
Ukupno Projekti za 2018. godinu:			1.191.670,00
5	Sredstva rezerve:	Koristit će se po posebnim zaključcima Vlade Zeničko-dobojskog kantona.	108.330,00
Iznos Transfera za 2018. godinu:			1.300.000,00

Član 5.

Sredstava planirana za realizaciju Projekata iz člana 4. Ovog Programa za 2018. godinu uplatit će se na račune UNDP-a i CaCH otvorene kod poslovnih banaka u Bosni i Hercegovini sa naznakom Projekta za koje se sredstva uplaćuju a u skladu sa potpisanim Sporazumima o sufinansiranju, odnosno Memorandumima o razumjevanju.

Član 6.

Za realizaciju ovog Programa zadužuju se Ministarstvo za obrazovanje, nauku, kulturu i sport i Ministarstvo finansija Zeničko-dobojskog kantona, svako u okviru svojih nadležnosti.

Član 7.

O utrošku sredstava po ovom Programu, Ministarstvo za obrazovanje, nauku, kulturu i sport je dužno polugodišnje izvještavati Vladu Zeničko-dobojskog kantona.

Broj: 02-_____/18.
Datum 03.08.2018. godine
Z e n i c a

PREMIJER

Miralem Galijašević

DOSTAVLJENO:

1x Ministarstvo za obrazovanje, nauku, kulturu i sport,
1x Ministarstvo finansija,
1x a/a.